

Roho Mtakatifu Huleta Hekima na Ufahamu

Na roho ya Bwana atakaa juu yake, roho ya hekima na ufahamu, roho ya shauri na uweza, roho ya maarifa na ya kumcha Bwana—**Isaya 11:2.**

Roho Mtakatifu anapokufunulia ukweli, utapata uzoefu wa thamani zaidi na utatamani kuwaambia wengine mambo yatiayo faraja ambayo yamefunuliwa kwako. Unapoingia katika kushirikiana Naye, utawasilisha mawazo mapya kuhusiana na tabia na kazi ya Kristo. Utakuwa na ufunuo mpya wa upendo Wake wenye huruma ili kuwapatia wale wampendao na wale wasiompanda Yeye.

“Wapeni watu vitu, nanyi mtapewa;” kwa maana neno la Mungu ni “chemchemi ya bustani yangu, Kisima cha maji yaliyo hai, Vijito vya Lebanoni.” Moyo ambao umewahi kuonja upendo wa Kristo, unalia kila mara kwa ajili ya kunywa kwa wingi zaidi, na unapotoa, utapokea vingi na kwa wingi zaidi. Kila ufunuo wa Mungu kwa nafsi huongeza uwezo wa kujua na kupenda. Kilio endelevu cha moyo ni, “Zaidi Yako Bwana,” na jibu la Roho Mtakatifu daima ni “Chukua zaidi.” Kwa maana Mungu wetu anafurahia kutufanyia “mambo ya ajabu mno kuliko yote tuyaombayo au tuyawazayo.” Kwa Yesu, ambaye Alitoa vyote kwa ajili ya wokovu wa wanadamu waliopotea, Roho Mtakatifu alitolewa bila kipimo. Ndivyo atakavyotolewa kwa kila mfuasi wa Yesu pale moyo utakapotolewa kabisa kuwa makazi Yake. Bwana wetu Mwenyewe ameamuru, “mjazwe na Roho;” na amri hii ni ahadi pia ya utimizwaji wake. Ilikuwa ni furaha ya Baba kwamba katika Kristo Yesu “ukae utimilifu wote:” na “mmetimilika katika yeye.”

Mungu amemimina upendo Wake mwingi, kama vile manyunyuyu yaiburudishayo nchi. Anasema: “Mawingu na yamwage haki; Nchi na ifunuke, ili kutoa wokovu, Nayo itoe haki ikamee pamoja.”... “kwa utimilifu Wake sisi sote tulipokea, na neema juu ya neema.”